

TE HEHEURAA API

I NEIA I TE PIHA NENEIRAA NO TE EKALASIA A IESU MESIA I TE FEIA MO'A I TE MAU MAHANA HOPEA NEI I PAPEET, TAHITI, I TE MAU FENUA SOTAIETE, I TE MAU AVA'E ATOA.

Nu. 2

Febuare, 1934

Mat. 28

O te taata hoi aore i hamani maitai i to'na ihora, e rahi atu a i to'na ihora utuafare, ua faarue ia oia i te parau, e e rahi atu ia to'na ino i to te taata mau ore ra. I Timoteo 5:8.

Peretiteni Hebera J Garanata

I te 22 no Novema i te matahiti 1856, oia hoi e hitu ahuru ma hitu matahiti i mairi ai nei i roto i te oire Roto Miti, ua fanau mai i roto i teie nei ao, te hoe tamaiti, o tei riro ei taata faatere i te ohipa o te Atua i roto i teie ao. E e taata paari atoa oia i mua i te aro o te mau taata no teie nei ao. O Hedera J. Garanata te Peretiteni no te Ekalesia a Iesu Mesia i te Feia Mo'a i te Mau Mahana Hopea Nei, o te i'oa ia o taua tamaiti ra.

To'na metua o Jedediah M. Grant, oia te favana oire matamua no te oire Roto Miti, e i te tae raa i te 9 no te mahana i fanau hia mai o Hedera o te poheraa ia o to'na metua tane, e ua vaiiho hia Hebera raua o to'na metua vahine ma te faufaa ore i te mau mea no teie nei ao, e ia imi raua i te mau ravea ia ora raua. O Rachel Ivans Grant te i oa ia no

te metua vahine. E na roto i to'na faaroo e to'na tiaturiraa i te Atua ua imi oia i te ravea no te pae tino nei. Ua nira oia i te ahu e te tahi atu a mau ohipa.

No te ravea ore aita o Hebera i haere i te mau haapiiraa rahi arearaa na roto i to'na itoito i te haapiiraa i te mau buka tei roaa ia'na, ua noaa mai ia'na te ite e te paari.

I te 10 no Tiunni i te matahiti 1875 o te mahana ia faatia hia i te pupu haapiiraa no te feia api i roto i te Ekalesia e ua maitihia oia ei tauturu hoe i roto i te Peretiteniraa matamua no taua haapiiraa ra, e i te avae Atopa i te matahiti 1880, oia hoi, i te 24 no to'na matahiti ua maitihia oia ei Peretiteni no te Tooele Titî. E na roto i to'na ite e to'na faatereraa maitai i ta'na mau ohipa, e to'na tiaturi papu roa raa i te mau parau a te Atua, i te 16 no Atopa i te matahiti 1882 ua maitihia oia ei Aposetolo. I te 24 no Tiurai i te matahiti 1901 ua reva oia, i te fenua Taponê ia hamata i te ohipa o te Ekalesia i reira. Mai te avae Tenuare i te matahiti 1904 e tae noa'tu i te avae Titema i te matahiti 1906 ua faatere oia i te mau miseoni no te Ekalesia i Europa, e ua a'o atura oia i te evanelia i te mau fenua i reira.

I te 19 no Novema i te matahiti 1918 ua pohe o Iosepha F Semita te Peretiteni no te Ekalesia e i te 23 no Novema i te matahiti 1918 ua maitihia o Hebera J Garanata ei Peretiteni no te Ekalesia o Iesu Mesia i te Feia Mo'a i te Mau Mahana Hopea Nei, e mai te reira mahana e tae roa mai i teie nei, ua faatere oia i te ohipa no te Ekalesia ma te haehaa e te tiaturi mau i te Atua no te mau mea ta'na i rave.

E taata maru roa o Hebera J Garanata, e hoe â faaito to te taata veve e te taata tao'a rahi i mua i to'na aro. Ia roohia te hoe i te ati o oia te taata matamua te tauturu ia'na, na roto i te horoaraa o ta'na moni e te mau mea hinaarohia. E te hōroa nei oia i teie mau mea na roto i te hinaaro mau

ia tauturu i ta'na taeae, eiaha no te faateitei ia'na iho i mua i te aro o te taata nei. Te na ô mai ra Paulo. E horoa te taata atoa i ta'na i opua i roto to'na aau; eiaha ma te nounou, e mai te mea e no te titau: O te taata horoa noa hoi ta te Atua e hinaaro. Oia mau ia, ua here tatou atoa i te hoe taata mai ia'na te huru. Ia ite oia i te hoe hape, e mea puai roa ta'na faahaparaa i te reira, no atu i te taata o tei rave i te ohipa hape aita oia i mata'u, na o mai ra oia e "na roto i te rave-raa i te parau tia e te haapiiraa i te parau mau e tia-ma te taata i mua i te Atua e i te mau taata atoa no teie nei ao.

Noa'tu to'na paariraa, te vai noa nei to'na itoitoe e te haere noa nei oia i te mau mahana'toa i tera vahi e i tera vahi ia poro haere i te Evanelia.

Ua here hia e ua haamaitaia te Peretiteni i te mau taata atoa, i roto i te Ekalesia e to rapae atoa no te ohipa maitai ta'na i rave, e ua riro oia ei hi'o raa i mua ia tatou, e tavini mau atoa oia no te Atua. Te haapao nei oia i te parau a te Atua tei papai hia i roto Iakopa 1:27, "A te paeti mau e te ino ore i mua i te aro o te Atua o to tatou metua ra o teie ia, o te hamani maitai i te otare e te mau vahine ivi i ta ratou ra ati.

Papaihia e Leroi Marori.

Te Autahu'araa

Eaha teie mea tei parauhia, "te Autahuaraa a te Atua? Teie ia, te mana a te Atua tei horoa hia mai i te taata nei e ia nehenehe ia'na ia faatere i ta'na ohipa i roto i te ao nei. Ahiri aita te Autahuaraa aita'toa hoi te Ekalesia a Iesu Mesia i te Feia Mo'a i te Mau Mahana Hopea Nei. Mai te mea aita

te Autahuarāa i horoa hia i te taata nei, eita e tia ia'na ia bapetizo, e ia tuu i te rima no te horoa raa i te Varua Maitai no te mea e, na roto mai i te Autahuarāa, oia hoi te mana a te Atua, tei horoa raa hia mai teie mau haamaitairaa ia tatou nei. No reira, te ite nei tatou e o te Autahuarāa ia, o te taviri ia no te mau haamaitairaa ta te Atua i horoa mai i te mau melo no ta Ekalesia. tei taviri tei iriti mai i te opau no te mau haamaitairaa te vai ra no te mau taa a tei haapao i te mau ture. Ua riro te Autahuarāa ei ravea ia faaite i te e'aro te aratai i te taata i roto i te Batileia a te Atua ra.

Ua vai noa teie mau haamaitairaa ia tatou nei, mai te mahana i fanau mai ai tatou i roto i teie nei ao.

Eaha te tunu i afai hia i te tamarii i te farepurerāa e e tuu atu i roto i te rima a te mau peretiputero? No te mea e, ia farii mai oia i te hoe haamaitairaa e te i'oa, e e vai noa teie haamaitairaa i nia ia'na e tae roa'tu i to'na pohe ra. No te mea e ua hoaoa hia mai te reira, e te Atua na roto mai i ta'na mau tavini, tei mau i ta'na mana.

E ia tae te tamarii i te 8 o to'na matahiti ua ineine oia no te bapetizorāa. E eaha ta'na ravea ia farii i te reira? Na roto i te raverāa o te hoê o tei ia'na te Autahuarāa, oia hoi te mana a te Atua.

E no reira te mau ohipa oro'a atoa i ravehia i roto i te Ekalesia e mea ravehia ia na roto i te Autahuarāa. Na tatou teie mau haamaitairaa no te mea e, ua faahoi hia mai to Autahuarāa i te ao nei. E aita teie mana i horoa hia i te tahi noa'tu mau taata o te ao, ua horoa hia ra i te mau taata atoa te taata apî e te taata paari o te hinaaro i te haapao i te ture.

E na roto i te haapao raa i teie mau ture e roaa mai ia tatou te ite e te paari, e aita tatou e rave i te mau ohipa ino o te ao nei. E e riro tatou ei taata parau tia i mua i te aro o te mau taata o te ao. Ia faatura tatou i te Autahuarāa, e faa-

tura atoa tatou i te mau taeae tei maitihia ia faatere i te ohipa o te Autahuaraa i roto i te mau amaa. E mai te mea e aita te hoe e faatura i te mau taata faatere, aita'tu hoi oia i faatura i te Autahuaraa, eia ore oia e faatura i te mana a te Atua, tei roto ia'na i te varua a te diaporo, e te haere nei oia na te e'a o te aratai ia'na i roto i te pohe muri ore.

Papaiahia Leroi Marori.

Te Faaineine-raa-hia na Mua i teie nei Ao

O vai ia taata i ô outou nei ia opua te fare e faatia, e mata na i te parahi i raro, a taio ai i te tao'a e oti ai, e te navairaa ta'na tao'a? O te haamauraa oia i te niu, e aore a'era i oti ia'na, o te na ô hoi te feia atoa i hi'o ra i te tahi-tohitoraa ia'na. (Luka 14:28, 29)

E homa e rave rahi te taata o teie nei ao tei haamana'o e ua faahnru ê Satane i te ohipa a te Atua i te taima i haavare oia ia Adamu ma i roto te ô i Edene, e ua mana'oraton e ahiri aita o Adamu i topa i roto i te hara, ua vai noa ia te taata i roto i te oaoa e te peapea ore. E homa e, ua maere rahi roa ia totou, oia hoi te Ekalesia nei, no teie haapi'raa, no te mea te faaroo nei tatou e, ua faaineine te Atua i te mau mea atoa i mua ae i te hamaniraahia i teie nei ao, oia hoi, mai te parau i papaiahia. "E haamana'o i 'o mutaaihora mau parau i tei tahito ra, o vau mau â te Atua, e aita'tu: O vau te Atua e aita'tu Atua e au ia'u nei, i te faaiteraa i te hopea mai te matamua mai â, e mai te mutaaihora mai â i te faaiteraa i te mau mea aita i tupu ra; e te parauraa e, o ta'u te parau i tupu, e te opuahia e au ra, o ta'u ia e ravea. (Isaia

46.9 10.)


Ua ite tatou e, o te Atua te Atua mana hope ore: no reira ua ite tatou ua faaincine oia i te mau mea ato, na mua i te rave raa.

E ere i teie nei ao i te ohipa tamata a te Atua' na ite oia i te rave raa i te hamaniraa o te ao nei na mua ai i to na hamaniraa i te reira. E aita atoa o Satane i faahuru e i te ohipa a te Atua, no te mea ua ite te Atua te haamataraa e te hope-araa, e te mau mea e tupu atoa. E aita atoa o Adamu anu i taua raau i roto i te ô i Edene mai te ite ore. Ua ite o Adamu e, mai te mea e vei noa oia i roto i te ô i Edene e eita e ite i te mau mea ino e te mau mea maitai, aita ia e ravea to te taata nei, no reira ua anu oia i taua maa ra e na roaa mai te hara i nia iho ia'na, oia hoi ua iriti oia i te uputa no tatou ia nehenche ia totou ia tomo i roto i teie nei ao. Ia tae tatou i roto teie nei ao, aita'tu e ravea ia haere i mua â, mauri ra na roto i te ravea o te Atua, oia hoi Iesu Mesia, ua iriti hia oia i te uputa o te tia faahou raa e tia'i ia tatou ia haere i mua â.

E homa. eiaha e mana'o e hara rahi ta Adamu i rave ra, e haamaitairaa rahi te reira no tatou, e ravea ia te reira ia tae mai tatou i nia i teie nei ao e haapii i te mau mea a te Atua, e ia mau tatou i te reira man mea, e haere â tatou e i te hopea e riro tatou mai te Atua te huru.

Ua opua te Atua i teie mau mea e ua ite oia e e navai ta'na mau ohipa atoa e e ore ra te hoe mea e faahuru ô i to'na opuaraa.


Papaiahia Heta



Te mau manu te amu i te peretai i te fenua Utala.



Te hoe pupu tamarii tamaroa no te Ekalesia parauhia (Scouts) o tei haapu-
uputuhia i to ratou vahi i nia te mou'a, no ta ratou haapiiraa e ta ratou arearearaa.



Karatage

Teie te hohoa no te fare tapearaa i Karatage: O te faaite mai ia tatou to'na huru mau i te taime i pupuhihia'i o Iosepha raua o Haeramu Semita.

Te fenua e te fare tei roto i te rima o te Eklesia i teie nei. E na faaapi hia te fare e na faauehenehehia te fenua e te Eklesia. E na riro teie vahi e vahi nebenehe roa. E te haere noa nei te mau taata no te mau vahi atoa i reira ia mataihai i te reira.

Te Ofai i Ropu i te Purumu

Te haere ra te hoé taata na nia i te purumu ia tae atu oia i te oire, ia hoo oia i te maa na to'na utuafare. E moni ihoa ta'na no te hooraa i te maa ia tae atu i te oire. I to'na haereraa, ite atura oia i te hoé ofai i ropu i te purumu. Na o atura oia ia'na iho e, "na vai ra teie ofai i tuu i ropu i te purumu nei"? Aita ra oia i iriti e atu i teie ofai, ua faaati ra oia i te ofai, e ua haere atura, no te mea ra na apiapi roa te purumu i te ofai, i to'na faaatiraa'tu i roa'tura to'na piripou i te piripiri te tupuraa i te pae purumu. Ua tamata ihora teie taata i te iriti faarne e atu i te mau huero piripiri, ua putaputa râ to'na rima e aita'tu i oti ia'na, e no te mea ua ru-noa oia, ua haere noa'tura na te vahi ta'na e haere, o te opanihia te uputa o te oire, hou oia e tae atu ai.

Te haere faahou maira te hoé taata veve na nia i te purumu, a tae atu ai ra oia i te vahi e vai ai te ofai i ropu i te purumu, na ô atura oia i roto i to'na iho feruriraa e, na vai teie ofai rahi i tuu i ropu i te purumu nei? E mea papu roa ia'u e, ua tuuhia teie ofai i reira ei tamataraa i te mau taata e haere na teie purumu. I reira, iriti ihora oia i te ofai, e inaha ra! o teie ia ta'na i ite i raro i te ofai, o te hoé ia pute moni, e te hoé parau hoi, e o teie tei papaihia i nia i taua parau ra. Na te taata maitai teie moni, na te taata tei hi'o i te vahi ta'na i haere, e o tei haapao mai i te mau mea ta'na i ite. E ore roa oia e putaputa i te piripiri i te pae purumu a haere atu ai oia ra. I reira oia ihora taua taata ra, no te mea e, e mea veve ihora oia, i teie nei ra, e roa ia'na te mau mea atoa ta'na e hinaaro i te oire. Haere noa'tura oia ma te peapea ore, e aita i maoro, roohia maira te taata matamua e ana. Te haapeapea-noa-hia ra te taata matamua e te mau

huero piripiri i nia i to'na piripou. Aita a'era i maoro, ma-
iri atura oia i muri roa. A tae atu oia i te oire ra, ua tomo
e na ia te taata o tei iriti e atu i te ofai, i roto i reira, ma te
peapea ore, e ua opanihia te uputa. E no reira ra aita atura
oia i tae atu i te vahi ta'na i haamana'o. Erave rahi te faa-
uraa e tano i teie aamu, tera ra, o teie ia te vahi ta'u i haa-
mana'o nei.

O te purumu ra, o te tatou ia oraraa nei, o te ofai ra,
te ture ia no te tufaa ahura, o te piripiri ra, o te tahi mau
utua ia tei roaa mai i te taata tei ore e haapao i taua ture
nei, o te oire ra, o te hanahana rahi ia no te Basileia o te
Atua, o te moni ra, o te tahi mau haamaitairaa ia te roaa i
te mau taata e haapao i te ture no te tufaa ahuru. Tei roaa
mai i te taata haapao maitai ra, o te manuia ia i ta'na mau
opuaraa, e te hana'iana o te Atua.

Hopoi mai na outou i te ahuru atoa o ta outou mau tao'a
i roto i te fare vairaa ia maahia to'u fare nei, e tamataraa te
reira ia'u nei, te parau maira Iehova Sapaota ra: i te oreraa
vau i te iritiraa i te mau haamaramarama o te ra'i ra, a ninii
atu ai i te tao'a rahi roa ei maitai no outou. (Malaki 3:10)

Te mana'o nei tatou e, ua navai ta tatou moni ia roaa ia
tatou te mau mea ta tatou e hinaaro, tera ra, a haapao mai-
tai tatou, o te roohia tatou i te piripiri a faaati ai tatou i te
ofai, a haere atu ai ra. No te mea e, ia na reira tatou, aita
roa e noaa te vahi maitai. A tamata ra tatou i te Atua, ia
ite mata'tu tatou i te mau mea ta te Atua e ninii mai i nia ia
tatou, mai te au i te irava i nia nei. A haamano atoa tatou
e, na te Fatu ana'e te mau mea atoa, e ia ore tatou ia haa-
pao, e ia au'au i te taime ta'na i tuu mai ia tatou, oia te tu-
faa Ahuru, na haru ia tatou i ta'na tao'a. Ia ore tatou e na
reira e tia'i.

Papahia e MITIELA

PARAU FAHITE.

E faatiahia te Amuiraa Epere'a o te Ekalesia a Iesu Mesia i te Feia Mo'a i te Mau Mahana Hopea Nei, i te fenua ra i Hikueru no te mau tufaa i nia, e i te fenua ra o Takaroa no te mau tufaa i raro, E faatia atoa te Amuiraa i te fenua Tubuai e Tahiti.

Papaiahia e Leroi Marori.

Peretiteni no te mau fenua moana nei.

A Hi'o i te Ro'o.

E tia ia tatou ia faaau i te taata mana'o itoitoe i nia i te pape e tahe no nia mai i te mou'a teitei. Aita te pape tahe e faaea, aita e taoto, e tahe haere noa râ ma te itoitoe rahi. No to'na pihaaraa mai roto mai i te ofai e to'na tahe hauti-hautiraa, na nia mai i te mou'a ua riro ei mea na roa, e ei mea toetoe, e te pape ora e anaana'e te taata i rohirohi i te veavea ia inu. Oia'toa te taata mana'o itoitoe o tei feruri i tera mea e i tera mea ma te faaea ore, ua i to'na aau i te mau mana'o api e te maitai, e ua mauruuru ia te feia atoa e paraparau ia'na ra.

Te paruru noa mai nei te parau maitatai no roto mai i to'na vaha, mai te pape tahe tei pihaa mai roto mai i te ofai. Tei roto i ta'na parau te ora e faaitoitohia i te taata ra.

E tia atoa ia tatou ia faaau i te taata mana'o ari i i mai te pape vari, e maoro i te vairaa i te vahi hoê e ia tupu i te hau'a ino; e ohipa ê ta te taata i te reira no te mea e pohe

to roto ra. Aita te taata e mauruuru ia paraparau i te taata mana'o aruirui, no te mea aita hoi e faaitoitoraa i roto ta'na parau, aita hoi faaoraraa, aita e faaarearearaa, aita e te tahi mea e i te tahi mea, e faataoto ana'e râ, areara e faahaumairaa tirara aita'tu ai. E aita roa te taata mana'o itoito ra e imi i te reira huru taata e hoa no'na, e vai ihohia ra ia pohe i roto i to'na iho taotoraa.

E tatou atoa, teihea i te mea tia? Ua au anei to tatou huru i te pape tahe, e aore ra i te pape vari i maoraraa i te vairaa i te vahi hoê.

Papaihia e Leroi Marori

Te Mau Parau Api.

Te Ati Rahi o te Matahiti Api.

I te po o te matahiti api ua tae te hoe ati rahi i nia i te fenua Tarafonia i te vahiraa Glendale. I taua po ra ua topa mai te ua rahi roa, e ua parari te mau fare e te mau purumu i te reira vahi no te rahi raa o te pape. Ua painu te tahi mau taata i taua pape ra e ua pohe ihora ratou, te taio raa o te mau taata i pohe 43 ia, te tahi pae o ratou aore roa te mau taata i ite to ratou mau i'oa, no reira te faaite nei te mau taata i te ratou hohoa i roto i te mau vea, e te anihia nei i te mau taata mai te mea ua ite te tahi mau taata i teie mau taata i pohe nei a faaite mai. E ati rahi roa teie no te matahiti api.

E Piti Orometua Api.

I te 27 no Tenuare ra, ua tae mai i Tahiti nei e too piti orometua api, o Lui Caralile rana Evereta Moona o to rana i'oa ia. Na nia mai rana i te pahi Maunganui.

City of Las Angeles.

I te 22 no Tenuare ua tae mai te pahi o "City of Las. Angalas" i Papeete nei, te mataeta haere nei to te pahi i te mau fenua i teie pae moana nei. E 250 taata tei tae mai i nia taua pahi ra. Ua tapai ratou i Tahiti nei e piti mahana, e ua farii maitaihia ratou, Ua faatupuhia te hoé mau arearearaa, te hoé tamaaraa rahi, e e mea rahi roa i te man mea tei ravehia ia faaanaanataihia to ratou faaearaa i Tahiti. E e mea mauruuru roa te mau taata'toa i ta ratou fariiraa e to Tahiti e te hinaaro nei ratou ia ho'i faahou mai.

E Utuafare Rahi.

I te fenua Amerika ua fanau te hoe vahine e piti ahuru ma iva tamarii, e te matahiapo o taua mau tamarii ra, e piti ahuru ma hoe ia to'na matahiti. E ohipa maere roa teie i te taata nei, tirara e parau mau hoi.

LOUIS- DROLLET Gérant

L. R. MALLORY Imprimeur.

Rue Dumont d'Urville, Orovini, Papeete, Tahiti.

